

ՊՏՂԱՏՈՒ ԾԱՌԵՐ

Անիկա ջուրի ճամբարները տնկուած ծառի պէս պիտի ըլլայ, որ իր ժամանակին իր պտուղը կուտայ: (Մադմոս 1.3):

Աստուածավախ մարդիկ Աստուծոյ Խօսքին մէջ նմանցուած են գետերու եզերքը տնկուած առողջ ծառերու, որոնք առատ պտուղ կ'արտադրեն եւ շատ տերեւ ունին: Պտղատու ըլլալու համար հաւատացեալները պէտք է-

Ա) Ամբասիր նկարագիր ունենան: Մարդիկ կը սիրեն տեսնել անհատներ, որոնց նկարագիրը պարկեշտութիւն կ'արտայայտէ եւ որոնց կեանքը արատաւորուած չէ մեղքով:

Բ) Զօրաւոր ըլլան: Անոնք որոնք քաջածանօթ են Աստուծոյ Խօսքին ճշմարտութիւններուն, զօրաւոր կ'ըլլան կեանքի դժուարութիւններուն եւ փորձութիւններուն մէջ:

Գ) Աճումի ընթացքին մէջ գտնուին: Ինչպէս առողջ ծառը կ'աճի եւ իւրաքանչիւր տարի շրջանակ մը կ'աւելցնէ իր բունին վրայ, նոյնպէս ալ հաւատացեալներ պէտք է աճին Տիրոջ շնորհքին մէջ (Բ. Պետ. 3:18):

Դ) Օրհնութեան միջոց ըլլան ուրիշներու: Կարգ մը ծառեր ուտելիք կը հայթայթեն, ուրիշներ շուք կուտան, ոմանք ալ որպէս փայտ գործածուելու կը ծառայեն: Հաւատացեալներ պէտք է հոգեւոր սնունդ, մխիթարութիւն եւ քաջայերուցիւն հայթայթեն իրենց շրջանակին:

Ե) Պատրաստ ըլլան տեղափոխուելու երբ Աստուած կանչէ: Մենք սահմանուած չենք երկրի վրայ մնալու: Մենք կը սպասենք որ հասնի ժամանակը երկինքի պարտէզին մէջ տնկուելու:

ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՅԷ.

ՃՐԱԳ ԸԱԲԱԾԱԾԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ՔՈՒ ԽՕՍՔԻ ԽՍ ՌՅՔԵՐՈՒՄ ԵՐԱԳ Է ՈՒ ԽՍ ԸԱԽԴՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ

ԿԻՐԱԿԻ, 4 ՕԳՈՍՏՈՍ 2019

ԹԻԻ 31

ԿԻՐԱԿԻ ՕՐԵՐՈՒ ԱՍՏՈՒԾԱԸՆԶԱԿԱՆ ԸՆԹԵՐՅՈՒՄՆԵՐ Ես. 3.16-4.1: Ա. Կր. 1.25-30 ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԸ ԸՍՏ ՄԱՏԹԷՈՍԻ 18.10-14

Զգոյշ: Մի՛ արհամարհէք այս փոքրիկներէն ոեւէ մէկը: Գիտցէ՛ք որ անոնց հրեշտակները երկինքի մէջ միշտ կը տեսնեն իմ երկնաւոր Հայրս, որովհետեւ մարդու Որդին եկաւ կորսուածը փրկելու համար:

Ի՞նչ կը կարծէք. եթէ մարդ մը իր հարիւր ոչխարներէն մէկը կորսնցնէ, չի՞ ձգեր իննիսունինը ոչխարները լեթան վրայ եւ չերթա՞ր փնտռելու կորսուած ոչխարը: Այո՛, կ'երթայ : Եւ եթէ պատահի, որ գտնէ վատահ եղէք, որ աւելի կ'ուրախանայ այդ ոչխարին համար, քան թէ իննիսունինը ոչխարներուն համար, որոնք կորսուած չեն: Նմանապէս ալ Հայրս, որ երկինքի մէջ է չ'ուզեր որ այս փոքրիկներէն մէկը կորսուի:

Այս հատուածին մէջ կը կարդանք երկու բաժիններ.

1.- Մեր վերաբերմունքը փոքրիկներուն հանդէպ, ուր Քրիստոս կը թելադրէ եւ կը զգուշացնէ մեզի, որ չարհամարհենք զանոնք: Մեր գուրգուրանքը պէտք է ըլլայ այնպէս ինչպէս, որ Քրիստոս ինք կը գուրգուրար փոքրիկներուն: Յատուկ տեղ պէտք է ունենան անոնք մեր կեանքին մէջ, որովհետեւ անոնք իրենց յատուկ տեղը ունին Աստուծոյ մօտ:

2.- Կորսուած ոչխարին օրինակը: Քրիստոս որպէս ճշմարիտ հովիւ փնտռեց իր կորսուած ոչխարը, իր կեանքը զոհեց այդ ոչխարը վերադարձնելու իրեն: Այսօր եւս կան կորսուած ոչխարներ երկրի վրայ Քրիստոս կը փնտռէ այդ կորսուած ոչխարները: Մենք եւս իբրեւ օգնականներ Քրիստոսի, պարտականութիւն ունինք իրեն հետ փնտռելու կորսուածը եւ վերադարձնելու ճշմարիտ բնակարանը՝ Աստուծոյ մօտ:

ՄԱՐԳԱՐԷԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ՆԱՄԱԿՆԵՐ

ԵՍԱՅԻ ՄԱՐԳԱՐԷԻՆ ԳԻՐՔԵՆ
3.16- 4.1

Այսպէս կ'ըսէ Տէրը. «Քանի որ Սիոնի աղջիկները հպարտացան, բարձրավիզ կը քալեն, ցանկալից ակնարկներ կը նետեն, մանրաքայլ կը շարժին եւ ցատկոտելով կը քալեն, որպէս պատիժ պիտի նուաստացընեն Սիոնի իշխանուհիները եւ զիրենք պիտի մերկացնեն իրենց զարդերէն»:

Այն օրը տէրը պիտի հանէ անոնց փառաւոր զգեստները եւ ոտքերուն մեծեւանդները, մագի հիւսքերը, գլխազարդ ծամակալներն ու պսակակալները եւ վզի մահիկները, ճակատի գինդերը, օղերը, ապարանջաներն ու շղարշէ շալերը, ապառօշները, քօղէքներն ու մետաքսէ գօտիները, անուշահոտերու տուփերը, յուռութները, մատանիներն ու քթամանեակները, դիպակէ պատմունճանները, վերարկուները, թիկնոցները եւ ձեռնապայուսակները, հայելիները, բեհեզէ զգեստները, խոյրերն ու քօղերը:

Իրենց հպարտանքին փոխարէն՝ անուշահոտութեան տեղ գարշահոտութիւն պիտի ունենան, մէջքի կամարներուն տեղ՝ չուանէ գօտի, գեղեցկահիւս մագերու տեղ՝ կնտութիւն, ոսկեհիւս դիպակներու տեղ քուրձ պիտի հագնին եւ գեղեցկութեան տեղ անօթ պիտի ունենան:

Անոնց սիրելի եւ գեղեցիկ զաւակները սուրով պիտի իյնան, իրենց կտրիճները պատերազմի մէջ պիտի սպաննուին: Ձարդերու արկները անարգութեան ու սուգի տապան պիտի ըլլան եւ անոնք պիտի մնան լքուած, առանձին եւ իրենց թիթերը գետին պիտի քուլին:

Այն օրը եօթը կին մէկ այր մարդ պիտի բռնեն եւ ըսեն. «Մենք մեր հացը կը գտնենք եւ հագուստները կը հոգանք. միայն քու անունդ տուր մեզի, անամուսնութեան նախատիւնը վերցուր մեր վրայէն»:

Շարունակել Աստուածաշունչէն

ՊՕՂՈՍ ԱՌԱՔԵԱԼԻ ԱՌԱՋԻՆ ՆԱՄԱԿԸ
ԿՈՐՆԹԱՑԻՆԵՐՈՒՆ

1.25-30

Աստուծոյ տնօրինութիւնը, որ յոյներ յիմարութիւն կ'որակեն, իմաստնագոյնն է քան մարդկային որեւէ իմաստութիւն եւ Աստուծոյ խաչը, որ հրեաներ տկարութիւն կը համարեն, աւելի զօրեղ է քան մարդկային ամէն զօրութիւն:

Եղբայրներ, դուք ձեզմէ դատեցէք. ինչ էիք երբ Աստուած ձեզ կանչեց: Ձեզմէ քանի՞նք իմաստուն, հօգօր կամ ազնուատեմ էին մարդկային չափանիշներով: Բայց Աստուած դիտմամբ ընտրեց այն ինչ որ այս աշխարհը յիմար եւ անիմաստ կը գտնէ, անով իմաստունները ամօթով ձգելու համար: Ընտրեց այն ինչ որ այս աշխարհը տկար կը համարէ, անով հօգօրները ամչցնելու համար. եւ ընտրեց այն ինչ որ այս աշխարհը անարժէք, արհամարհելի եւ ոչնչութիւն կը նկատէ, անով ոչնչացնելու համար այս աշխարհի մեծութիւնները: Եւ ասիկա՝ որպէսզի ոեւէ մարդ չպարծենայ Աստուծոյ առջեւ, որովհետեւ Աստուած ինքն է որ ձեզ բերաւ Քրիստոսի միացուց, եւ մեք Քրիստոսով քանչքանք Աստուծոյ իմաստութիւնը եւ գտանք մեր արդարութիւնը, սրբութիւնը եւ փրկութիւնը:

ՇԱՐՈՒՆԱԿԵԼ
ԸՆԹԵՐՑԱՆՈՒԹԻՒՆԸ
ԱՍՏՈՒՄԾԱՇՈՒՆՉԷՆ

ՍՈՒՐԲԵՐ ԵՒ ՏՕՆԵՐ

ԿԻՊՐԻԱՆՈՍ ԵՊԻՍԿՈՊՈՍ
ԵՒ ՅՈՒՍԵՖԱՆԷ ԿՈՅՍ

Սուրբերու վկայաբանութեան մէջ երկու Կիպրիանոս կը յիշուին, երկուքն ալ Գ. դարուն ապրող, մին՝ Կարբեդոնացի եկեղեցւոյ վարդապետ, նահատակուած 225-ին, Վաղերիանոսի եւ Գաղիանոսի օրով, միւսը՝ Անտիոքացի, մոգութենէ ֆրիստոնէութեան դարձած, նահատակուած 285-ին, Դիոկղետիանոսի օրով:

Գրիգոր Աստուածաբան եւ ուրիշներ կը կարծեն սակայն, թէ միեւնոյն Ափրիկեցի Կիպրիանոսն է, որ առաջ Հեթանոսաց փիլիսոփայ եւ քարտարախօս, բուրմ եւ մոգ էր: Կարբեդոնի ուզեց կախարդել Յուստիանէ անունով ֆրիստոնեայ օրիորդ մը, որպէսզի զայն հեթանոս երիտասարդի մը հետ ամուսնացնէ: Երբ չյաջողեցաւ, ինքն ալ ընդունեց անոր կրօնքը, մկրտուեցաւ եւ յառաջանալով եկեղեցական աստիճաններու մէջ Կարբեդոնի եպիսկոպոս դարձաւ Յուստիանէն ալ, որ վանքի մը մէջ առանձնացած էր՝ սարկաւագուհի ձեռնադրելով:

Դեկոս կայսեր հալածանքի միջոցին դատուեցաւ եւ աքսորուեցաւ, ապա Վաղերիանոսի օրով գլխատուեցաւ, իսկ կոյսը եռացած տապակի մէջ մահացաւ:

Կիպրիանոս նշանաւոր եղած է իբրեւ քաջ հովիւ եւ իմաստուն գրուի:

Ժանտախտի մը միջոցին ան պարզեց առաքինութեան սխալների օրինակներ իր բարեպաշտութեամբ, անձնուիրութեամբ եւ աղատներու հանդէպ սէրով, որոնց բաշխեց իր ընտանեկան հարստութիւնը, սիրելի ըլլալով բոլորին: Ափրիկէի ուրիշ եպիսկոպոսներու հետ՝ մերժեց Հերետիկոսներու մկրտութիւնը եւ այս պատճառաւ բախեցաւ ընդհանուր հակառակութեան, եւ ինքն իսկ անոր համար ատեն մը տկարացած նկատուեցաւ հաւատքի մէջ. բայց իր նահատակութիւնը սրբագործեց իր անձը:

ԱՌԱՔԻՆՈՒԹԻՒՆ ԽՆԴՐԵԼՈՒ
ԱՂՕԹՔ

Սո՛ւրբ Աստուած, անմահ եւ հօգօր դուն որ սրբաբանութեամբ ու անդադրում օրինաբանութեամբ կը պաշտուիս հրեղէն եւ անմարմին հրեշտակներուն կողմէ: Մենք, քու ձեռքովդ ստեղծուած բանաւոր հօտդ, քու առատաբաշխ գթութիւնդ կը հայցենք:

Ընդունէ՛ մեր շրթներէն ու մեր սրտերէն դուրս եկած բանաւոր ընծաները:

Ո՛վ Տէր, մեր միտքերուն մաքրութիւն տուր, սրտերուն՝ զղջում, շրթներուն՝ ճշմարտութիւն, աչքերուն՝ արցունք, հոգիներուն՝ ամբօնութիւն, եւ մարմիններուն սրբութիւն:

Չօրացո՛ւր մեզ, որպէսզի յաղթող ըլլանք Բանասարկուին հնարքներուն դէմ, կարենանք մարել Չարին բոլոր միացող նետերը, եւ արդարութեամբ եւ աստուածապաշտութեամբ ապրիլ աշխարհի մէջ, ինչպէս որ դո՛ւն կը կամենաս, իսկ այս կեանքէն ետք անճառելի բարիքներդ կարենանք վայելել քեզի՝ Տիրոջդ հետ, որո՛ւն կը վայելեն փառքն ու զօրութիւնը յաւիտեանս: Ամէն: